

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

- 1. Sinersortaat nutaaq qanoq sukkassuseqassava (knob) sapaatip akunnerata ataatsip iluani Nanortalimmiit Uummannaq tikillugu uterlugulu ingerlaarsinnaassaguni. Ingerlaarfimmi tassani illoqarfiit tamaasa aqqusaarneqarlutik aammalu inuttat nikinnissaat qasuersarfissallu ilanngunneqarlutik.**
- 2. Sinersortaat nutaaq qanoq sukkassuseqassava (knob) sapaatip akunnerata ataatsip iluani Nanortalimmiit Upernavik tikillugu uterlugulu ingerlaarsinnaassaguni. Ingerlaarfimmi tassani illoqarfiit tamaasa aqqusaarneqarlutik aammalu inuttat nikinnissaat qasuersarfissallu ilanngunneqarlutik.**
- 3. Sinersortaat nutaaq piviusunngortinneqassappat qassinik ilaasoqarsinnaasoq takorloorneqarsinnaava?**

(Inatsisartunut Ilaasortaq Anders Olsen, Siumut)

Tungavilersuut:

Nalunngisatsituut maanna M/S Sarfaq Ittuk sinersortaatitut atorpoq. Sinersortaataasup maanna sapaatip akunnerata ataatsip ingerlanerani ingerlaarfigisarpaa Qaqortumiit Ilulissat tikillugu utimullu.

Sinersortaatip maanna ingerlaarsinnaassusaa takuneqarsinnaavoq 13 knob missaaniittoq aammalu 246-nik ilaasoqarsinnaasoq.

Nunatsinni mittarfissuassat nutaat ukiuni qaninnerni piviusunngortussaapput, taakkualu ilaatigut aamma siunertaraat takornarissat amerlanerungaartut tikittalernissaat.

Innuttaasorpasuit aammalumi takornariarpasuit sinersorlutik nunarput takusassarsiorfigalugu periarfissaqartinneqarnissaat piviusunngortissallugu suliaqartariaqartugut isumaqarpunga.

Sinersortaat ullumikkut atuuttoq pisoqalivoq ullutsinnullu naleqqukkunnaarnikuulluni. Taamaammatt sinersortaammik nutaamik aammalu sukkasuumik isumannaatsumillu ingerlaarsinnaassusilimmik peqalertariaqartoq isumaqarpunga, minnerunngitsumillu illoqarfiit maanna tikinneqarneq ajortut aamma tikinneqartalernissaat anguniarneqartariaqarmat.

Kissaatigaara apeqqutima ullut suliffiusut qulit akornanni akineqarumaartut.